



partii naleraq

Nuuk, 18. marts 2015

UPA2015/85

**Uunga siunnersuut: Nioqutissanik eqqussuineq annissuinerlu pillugit Inatsisartut inatsisaata allangortinneqarneranik Inatsisartut inatsisaat nr. x, xXx 2015-imeersoq.**

**(Timmisartuutileqatigiiffiit ilaasui pillugit paasissutissat atortutigut elektroniskiusutigut takuneqarsinnaanissaat kiisalu akitsuuserisut inunnik scannerillutik misissuisinnaanissaat)**

(Aningaasaqarnermut Aatsitassanullu Naalakkersuisoq)

### **Siullermeerneqarnera**

Una upalungaarsimanermut angallannermilu peqqarniisaarnianut pakkersimaartitsiniarnermut tunngasoq Partii Naleqqamiit imatut oqaaseqarfigissavarput.

Upalungaarsimaneq pingaaruteqarluinnarpoq aammalu apeqquteqarfigineqartariaqarani, taamaattorli aamma nunatsinni nunarsuarmioqatitsinnut sanilliulluta allaassuteqangaatsiarneri tamatta nalunngilagut, tassami sualummik nunatta iluani angalaniartilluta qujanartumik eqaannerusumik ingerlasarnera ilisimaaraarput.

Taamaattorli aamma upalungaarsimanermik tamakkiisumik tunngaveqassangutta pingaartitsissaguttalu affaannarsornermik annertuupilorujussuarmik ingerlatsivugut, soorlu mittarfiit ungalulersorneri takuinnarsinnaavagut. Taakku saniatigut Partii Naleqqamiit tupinnarnerusutut isigaarput nunatsinni ajutuuitsitsiniartoqassagalarpat soorlu toqunartumik sakkortuumik sakkooqarluni peqqarniisaarniartoqassagalarpat imeqarfitta minnerpaamilluunniit nakkutigineqannginnerat tupaallaatissaavoq, taamaattumik ilaatigut tamakku tunngavigalugit oqarpugut, affaannarsortumik ingerlatsilluta.

Nunarsuarmut amnavugut aammalu angalanermi nunarsuamut ammaneput pissutigalugu piunasaqaatit assigiinngitsut malittussaavagut unalu inatsisissatut siunnersuut sukaterinermik tunngavilik aamma taamatut tunngaveqarpoq – timmisartuutileqatigiiffiit ilaasui pillugit paasissutissat atortutigut elektroniskiusutigut takuneqarsinnaanissaat kiisalu akitsuuserisut inunnik scannerillutik misissuisinnaanermi annertusaaffigineqarnerat.

Siunnersuutillu Partii Naleqqamiit aappassaaneerineqannginnermini Aningaasaqarnermut Akileraartarnermullu Ataatsimiititaliamut suliarineqartussanngorlugu innersuupparput.

Qujanaq.